



續文獻通考

郊社考

藉田祭先農

元

世祖至元九年二月始祭先農如祭社之儀世祖紀

七年六月立藉田大都東南郊至是始祭先農十三

年迄十六年累歲行之十五年以蒙古胄子代耕藉

田二十一年二月又命翰林學士承旨撒里蠻祀先

農於藉田世祖紀

郊社考改羣祀考

元字移寫世祖上

各條下如某宗紀某志等注通冊

元史張文謙傳曰。至元七年。拜大司農卿。奏立諸道勸農司。巡行功課。請開藉田。行祭先農先蠶等禮。

武宗至大三年四月。從大司農請。建先農先蠶二壇。志祭

博士議二壇之式。與社稷同。縱廣一十步。高五尺。四出陞。外壇相去二十五步。每方有櫺星門。今先農先蠶壇位。在藉田內。若立外壇。恐妨千畝。其外壇勿築。是歲命祀先農。如社稷禮。樂用登歌。日用仲春上丁。

後或用上辛。或甲日。志祭祀

按至大初。建先農壇。並製樂章。不見於武宗紀。分載祭祀禮樂二志。其建壇在三年四月。製樂章則在二年十二月。攷志有先是命祀先農以登歌樂之文。則建壇在先。鑿然可據。二年三年。必有一悞耳。

泰定帝泰定二年二月。祭先農。志泰定帝紀

四年二月。再祀。志泰定帝紀

順帝至正十三年二月。祭先農。志順帝紀

按字云... 考謹
三子
み...

太官及太官
の

按元祀先農之禮。昉於至元。備於至大。宜有司歲舉焉。乃至大以後。間濶不行。泰定僅再舉。至正僅一舉。豈祀典之廢墜不脩乎。抑史臣紀載多缺耶。謹條繫之。以存其舊云。

祭先農儀

祀前一日未後。禮直官引三獻。監祭禮以下。省牲饌如常儀。祀日丑前五刻。有司陳燈燭。設祝幣。太官令帥其屬入。實籩豆尊壘。丑正。禮直官引先班入。就位立定。次引監祭禮。按視壇之上下。糾察不如儀者。畢。

退。復位。東向立。奉禮曰。再拜。贊者承傳。再拜訖。奉禮又贊諸執事者各就位。禮直官引執事官各就位。立定。次引三獻官。并與祭等官。以次入。就位。西向立。禮直官於獻官之右。贊請行事。樂作。三成止。奉禮贊再拜。在位者皆再拜。太祝跪取幣於篚。立於尊所。禮直官引初獻官詣盥洗位。北向立。盥手。悅手畢。升自東階。詣神位前。北向立。搢笏。跪。三上香。受幣。奠幣。執笏。俛伏。興。少退。再拜。訖。降。復位。立定。太官令帥齋郎設饌於神位前。畢。俛伏。興。退。復位。禮直官引初獻再詣

盥洗位。北向立。盥手。帨手。詣爵洗位。洗爵。拭爵。詣酒尊所。酌酒畢。詣正位神位前。北向立。搯笏跪。三上香。三祭酒於沙池。爵授執事者。執笏。俛伏。興。北向立。俟。讀祝畢。再拜。興。次詣配位酒尊所。酌酒訖。詣神位前。讀祝畢。再拜。興。次詣配位酒尊所。酌酒訖。詣神位前。東向立。搯笏跪。三上香。三祭酒於沙池。爵授執事者。執笏。俛伏。興。東向立。俟。讀祝畢。再拜。退。復位。次引亞終獻行禮。並如初獻之儀。惟不讀祝。退。復位。立定。禮直官贊徹籩豆。樂作。卒徹。樂止。奉禮贊賜胙。衆官再拜。贊者承傳。在位者皆再拜訖。樂作。送神之曲。一成。

止。禮直官引齋郎升自東階。太祝跪取幣祝。齋郎捧俎載牲體及邊豆。盞盞各由其階。至坎位。北向立。俟三獻畢。至立定。各跪奠訖。執笏。俛伏。興。禮直官贊可瘞。乃瘞。焚瘞畢。三獻以次詣耕地所。耕訖而退。祭祀志

明

太祖洪武元年十一月。議行耕藉禮。禮志

帝諭廷臣。以來春躬舉藉田禮。爲天下先。於是禮官錢用壬等言。祭法。王自爲立社。曰王社。亦曰帝社。鄭注。王社在藉田之中。詩載芟序云。春藉田而祈社是

也。又周官籥章。凡國祈年於田祖。歛豳雅擊土鼓。以樂田畷。鄭氏曰。田祖。始耕者。謂先農也。漢立官社。文帝令官祠先農。先農即神農也。晉武詔復二社。北齊及隋。又改曰先農。唐神龍中。禮官祝欽明議。以先農與社本是一神。請改先農壇爲帝社壇。以應禮經王社之義。至開元定禮。又採齊隋之議。復曰先農。宋陳祥道曰。先儒謂王社建於耜田。然國語王耜則司空除壇。農正陳耜禮。而歷代所祭先農而已。不聞祭社也。詩載芟序。所謂春耜田而祈社。非謂社稷建於耜

田也。今按祝欽明云。先農即社。陳祥道云。社自社。先農自先農。耜田所祭乃先農。非社也。雖其說不同。重農報本之義則一。若夫耜田之制。月令。天子孟春之月。乃擇元辰。親載耒耜。置之車右。帥公卿諸侯大夫。躬耕耜田千畝於南郊。冕而朱紘。躬秉耒以耕。天子三推。三公五推。諸侯九推。反執爵於大寢。三公九卿諸侯大夫皆御。命曰勞酒。季秋之月。藏帝耜之收於神倉。周官內宰。詔王后帥六宮之人。生種稜之種。而獻於王。甸師。掌帥其屬而耕耨王耜。以時入之。以供

梁盛其制如此。然享先農與躬耕同日。禮無明文。惟周語云。農正陳藉禮。韋昭注云。陳藉禮者。祭其神爲農祈也。至漢以藉田之日祀先農。其禮始著。漢舊儀春耕藉田。官祠先農。百官皆從。置藉田令丞。東漢藉田儀。正月始耕。常以乙日祀先農於田所。先農已享。耕於乙地。由晉至於唐宋。相沿不廢。政和間。罷享先農爲中祀。命有司行事。止行親耕之禮。南渡後。復親祠先農。元雖議耕藉。竟不親行。其祠先農。命有司攝事。今宜耕藉之日。皇帝躬祀先農。禮畢。躬耕藉田。以

仲春擇日行事。從之。

太祖實錄
參禮志

二年二月。建先農壇於南郊。親祭。以后稷配。遂耕藉田。

禮志

藉田在皇城南門外。先農壇在藉田之北。高五尺。廣五丈。四出陛。御耕藉位。在先農壇東南。高三尺。廣二丈五尺。四出陛。其神位。先農正位。南向。后稷配位。西向。正配位幣各用青色。其餘儀物。並與社稷同。不用玉。仍加登三。至日。祀先農畢。詣耕藉位。南向立。公侯以下及從耕者。各就耕位。御耒耜二具。韜以青絹。御

耕牛四被以青衣。戶部尚書北面進耒。太常卿導引。帝秉耒三推。戶部尚書跪受耒。帝復位南面坐。三公五推。尚書九卿九推。各退就位。禮畢。太常卿導引還。大次。應天府尹及上元江寧兩縣令率庶人終畝。是日宴勞百官者宿於壇所。太祖實錄 參禮志

十年二月遣官祭先農。

禮志

帝以先農止是古耕田者。今後祭日命應天府官率

耆老農民陪祀。罷親祭躬耕如常。

禮志 參 太常紀

二十一年三月更定祭先農儀。不設配位。

禮志

正祭止設先農一位。品物如舊。齋戒省牲。儀與祭先

師孔子同。

太祖實錄

按明會典曰。洪武二年始建先農壇。列為大祀。每歲親祭。以後稷氏配。已又奉仁祖配。後改中祀。止遣應天府官致祭。不設配位。太常紀亦云。攷實錄。洪武十年祭社稷。始命罷勾龍棄。以仁祖配。而是年祀先農。已遣官行禮。並不親祭矣。豈仁祖未配社稷。先配先農。而史顧不書耶。至二十一年更定祭先農儀。始罷配位。烏有未罷之先。仁祖侑享而

按字工部臣等
謹

帝竟不親祀耶。况棄稷罷配社稷。專配先農。史有明文。決無仁祖並配之理。會典成於孝宗時。其時去太祖已遠。史臣闇於掌故。不能詳考。悞以社稷先農混而為一。臆為仁祖亦配先農。其舛謬不小。特表出之。為考古者證焉。

成祖永樂元年二月耕藉田。

成祖紀

駕至藉田所。戶部尚書捧鞭跪進。教坊司官率其屬作樂。隨駕行。三推禮畢。駕至儀門。升座。樂作。觀三公九卿耕訖。教坊司承應用大樂百戲。奏致語。駕至殿

內升座。進湯膳。俱用樂。畢。順天府官率耆老謝恩。次百官行禮。俱作樂。賜百官酒飯。樂作。一奏本太初之曲。二奏仰大明之曲。三奏民初生之曲。徹御案。樂止。百官行禮。駕還。

會典

十八年十二月北京先農壇成。

成祖實錄

壇制準南京。在太歲壇西南。一成。甃甃。周以石。方廣四丈七尺。高四尺五寸。四出陛。西為座位。東為齋宮。鑿駕庫。東北為神倉。東南為具服殿。殿前為觀耕之所。南為藉田。護壇地六百畝。供黍稷及薦新品物。又

地九十四畝有奇。每年額稅四石七斗有奇。太常寺會同禮部收貯神倉以備旱潦。又令壇官種一百九十畝。壇戶種二百六十六畝七分。每歲仲春上戊。順天府尹致祭。後凡遇登極之初。行耕藉禮。則親祭。禮志

參春明夢餘錄

按自成祖後。歷代御極改元。則行耕藉禮。惟穆宗行於二年。神宗行於八年。愍帝七年。十五年。兩舉。熹宗之世無聞焉。禮有定制。無事備書。特附叙於此。

按字子名臣等謹字
愍帝改莊烈帝

孝宗弘治元年二月。祭先農。遂耕藉田。孝宗實錄

戶部尚書李敏言。天下之勞苦者。莫如農夫蠶婦。今皇上躬耕藉田。若不親其事。則稼穡之艱難。何由而知。乞勅禮部於耕藉儀注內。增上中下農夫各十人。服常服。執農器。引見行禮。然後令其終畝。或賜食。賜布。以慰其勞。尤見初政重農之意。帝從之。仍命人賜布一匹。是日親耕畢。還具服殿升座。府尹率兩縣令耆老行禮畢。引上中下農夫各十人。執農器朝見。令其終畝。人賜布一匹。後循以爲例。孝宗實錄參禮志嘉靖祀典

臣等謹按史載是年耕藉禮畢教坊以雜伎進具列屬卷

御批通鑑輯覽曰孝宗是時立未逾年源周之中本不當舉行耕藉而云典不可缺亦祇

在僅躬秉耒以為農先乃竟設宴以常實為非禮文升不知授理直陳而心若教坊

之瀆亂宸聽已為味於輕重况進言自有體君父之側報悍然微色發聲教事之

誠安在明代惡習相沿注憤激沽名而不顧格恭大義豈可為耶至耕藉所駕

於入世宗前一引照例低級順天府官率耆老行禮百

官致詞慶賀賜酒飯教坊司於御門觀耕時承應罷

進膳樂及三舞隊帝猶以為煩命駕行不設鹵簿罷

百官慶賀教坊司擬定三舞隊於進膳時承應門外

止觀從耕禮畢入齋宮賜宴著為令世宗實錄

造耕根車建觀耕臺禮志

帝命造耕根車以重農務禮臣言攷大明集禮國朝

耕藉因宋制皇帝乘玉輅以耕根車載耒耜同日而

行及考見行儀注順天府官捧耒耜及種種置綵

輿先祭前二日出今用耕根車載耒耜宜於祭日早

進呈畢即置車中前玉輅以行至耕根車式禮書止

有圖式無高廣尺寸合依今制車式差小通用青質

又言考宋史有觀耕臺今皇上御門觀耕地位卑下

侍衛人眾有礙觀視宜令工部權作木臺高五尺方

世宗嘉靖十年正月更定耕藉儀

世宗實錄

九年二月禮部上耕藉儀帝以其過煩命來歲別議至是禮部尚書李時更擬迎神送神止二拜先二日順天府官以耒耜種稯種置綵輿上送至耕藉所駕行設鹵簿耕畢還具服殿順天府官率耆老行禮百官致詞慶賀賜酒飯教坊司於御門觀耕時承應罷進膳樂及三舞隊帝猶以為煩命駕行不設鹵簿罷百官慶賀教坊司擬定三舞隊於進膳時承應門外止觀從耕禮畢入齋宮賜宴著為令

世宗實錄

造耕根車建觀耕臺

禮志

帝命造耕根車以重農務禮臣言攷大明集禮國朝耕藉因宋制皇帝乘玉輅以耕根車載耒耜同日而行及考見行儀注順天府官捧耒耜及種稯種置綵輿先祭前二日出今用耕根車載耒耜宜於祭日早進呈畢即置車中前玉輅以行至耕根車式禮書止有圖式無高廣尺寸合依今制車式差小通用青質又言考宋史有觀耕臺今皇上御門觀耕地位卑下侍衛人眾有礙觀視宜令工部權作木臺高五尺方

廣五丈。正面東西三出陛。俟明年築臺。從之。十六年。命親耕。則戶部尚書先祭先農。皇帝止行三推禮。三十八年。罷親耕。惟遣官祭先農。四十一年。並令所司勿復奏。世宗實錄 參禮志

是年。命墾西苑隙地爲田。建帝社。帝稷壇於壇東北。建殿曰無逸。亭曰幽風。又建亭曰省耕。省斂。每歲耕獲。帝親臨觀。以重農事。置倉曰恒裕。貯田之所入。以供祀事。十月。禮部上郊廟梁盛支給之數。因言南郊藉田。皇上三推。公卿各宣其力。較西苑爲重。西苑雖

農官督理。皇上時省耕。斂較藉田爲勤。請以藉田所出。藏南郊圓廩神倉。以供園丘。祈穀先農神祇壇。長陵等陵。歷代帝王及百神之祀。西苑所出。藏恒裕倉。以供方澤。朝日。夕月。太廟。世廟。太社。稷。帝社。稷。禘。祫。先蠶及先師孔子之祀。從之。至隆慶元年。罷西苑耕種。諸祀皆取之藉田。會典 參禮志

沈德符萬歷野獲編曰。世宗初建無逸殿於西苑。翼以幽風亭。蓋取詩書之義。以重農務。時率大臣游宴其中。又命閣臣李時翟鑾輩。坐講幽風七月

按字云臣著謹
三字九

之詩賞賚加等。添設戶部堂官專領稽事。其後日
事元修。即於其地營永壽宮。雖設官如故。而所創
祈報大典。悉遣官代行。世宗上賓未期月。西苑宮
殿悉毀。惟無逸至今猶存。至尊於西成時。間亦御
幸。內臣各率其曹。作打稻之戲。凡播種收穫。以及
野饁農歌徵糧諸事。無不入御覽。蓋較上耕藉田
時尤詳云。

按嘉靖十年八月。帝御無逸殿之東室。謂侍臣曰。
無逸之作。雖所以勸農而勸學之義。亦在其中。乃

命經筵日講官各進講。七月詩。無逸書各一篇。事
載世廟聖政紀要。後萬歷甲申乙酉間。無逸燼於
火。以輔臣申時行言。特修復之。無逸殿之名。在明
代甚著。乃明史禮志。沿明典禮志。訛為天遁。字義
殊不可曉。特據會典諸書正之如此。

愍帝崇禎七年二月。親祭先農。遂耕藉田。春明夢
餘錄

至十五年二月。再舉親耕之禮。以科臣沈迅言。諭禮
臣。以後耕藉。宜歌豳風無逸之篇。其教坊承應。俚俗
不可用。禾詞宜頌。不忘規。命詞臣別撰以進。春明夢
餘錄

愍帝及莊烈
帝十

祭先農耕藉儀

嘉靖十年定

前期太常寺奏祭祀文武百官致齋二日。是日早順天府官以耒耜及種桂種進呈。少頃內官捧耒耜及種授順天府官。捧由午門及大明門左門出。置耕根車內。在玉輅之前。皇帝祭社稷畢。具翼善冠黃袍。御奉天門。太常寺官奏請詣先農壇。皇帝升輅。耕根車前行。詣壇所具服殿。皇帝服衮冕。典儀唱樂舞生就位。執事官各司其事。導引官導皇帝至拜位。內贊奏就位。典儀贊瘞毛血迎神。奏樂。樂止。內贊奏二拜。百

官同。典儀唱奠帛。行初獻禮。奏樂。執事官捧帛爵。跪進於神位前。奠訖。內贊奏跪。百官同。樂止。內贊贊讀祝。讀祝官跪於神位前右。讀訖。奏樂。奏俯伏。興。平身。百官同。樂止。典儀唱行亞獻禮。奏樂。執事官捧爵。跪奠於神位前。訖。樂止。典儀唱行終獻禮。儀同亞獻。樂止。太常寺官進立壇東。西向。唱賜福胙。內贊奏跪。搯圭。光祿寺官以福酒跪進於皇帝右。奏飲福酒。光祿寺官以福胙跪進於皇帝右。奏受胙。奏出圭。奏俯伏。興。平身。奏二拜。百官同。典儀唱徹饌。奏樂。執事官詣

神位前徹饌訖。樂止。典儀唱送神。奏樂。內贊奏二拜。百官同樂止。典儀唱讀祝官捧祝。掌祭官捧帛饌。各詣瘞位。奏樂。禮畢。樂止。皇帝還具服殿。更翼善冠。黃袍。太常寺卿侍。百官俱更服訖。入奏。請詣耕藉位。導駕官同太常寺卿。導引皇帝至耕藉位。南向立。三公以下。從耕者各就位。戶部尚書北向跪。進耒耜。順天府官北向跪。進鞭。導駕官同太常寺卿導引。教坊司官率屬皇帝秉耒三推三反。訖。戶部尚書跪。受耒耜。順天府官跪。受鞭。太常卿奏請復位。順天府尹捧

作樂歌呼
左右贊相

青箱隨以種播而覆之。皇帝升觀耕臺。南向坐觀。三公五推。尚書九卿九推。訖。從耕官各就位。太常寺官奏耕畢。導駕官同太常卿導皇帝升輿。入齋宮升座。鴻臚寺官奏陪祭官叩頭畢。奏順天府官率西縣官耆老人等叩頭畢。率庶人終畝。鴻臚寺官拱聽聖旨。賜酒飯。鴻臚寺官承旨訖。贊入班。一拜三叩頭。尚膳監進膳。三品以上官各就丹陛前後序列賜坐。四品以下官。臺下御路東西相向序坐。並宴勞者宿於壇傍。教坊司承應進膳樂。並三舞隊。一奏慶豐年之舞。

二奏呈瑞應之舞。三奏感天地之舞。每舞各有承應。宴畢。鴻臚寺贊入班。一拜三叩頭。禮畢。駕興還宮。大樂鼓吹振作。

續文獻通考

郊社考

親蠶祭先蠶

元

按親蠶之禮。遼金俱不行。故不列祀典。元世祖至元七年。大司農卿張文謙請舉祭先蠶禮。至武宗至大三年。始建先蠶壇。而祀事未舉。故其禮儀無可考見。語詳祭先農門。茲著其概。以備一代掌故。

云。本祭祀志。張文謙傳。

按項云。刪。親蠶祭先蠶。按前頁。元字一可。按字云。臣等謹云。字。

明

世宗嘉靖九年正月。作先蠶壇於北郊。世宗紀

先蠶。明初未列祀典。至嘉靖初。都給事中夏言。清理

皇莊。請改負郭宮莊。志作官莊誤為親蠶殿。公桑園。種植

桑柘。以備宮中蠶事。部議格不行。至是復上疏。言耕

桑之禮。不宜偏廢。帝乃勅禮部。古者天子親耕。后親

蠶。以勸天下。自今歲始。朕親祀先農。皇后親蠶。其考

古制。具儀以聞。大學士張璁等。請於安定門外。建先

蠶壇。唐事霍韜。以其道遠。疏言。皇后出郊。難以越宿。

且郊外別建蠶室。則宮嬪命婦。未得親見蠶事。有文
無實。勢難久行。乞擇近地。便戶部亦言。安定門外。近
西之地。水源不通。無浴蠶所。皇城内西苑中。有太液
瓊島之水。考唐制。在苑中。宋亦在宮中。宜倣行之。帝
謂唐人因陋就安。不可法。於是禮部尚書李時等言。
大明門至安定門。道途遙遠。請鳳輦由東華。或元武
門出。因條上四事。一增治繭之禮。採桑而不治繭。非
禮之全。及繭成後。令內臣自北郊捧獻宮中。仍於宮
中量立蠶繭織室。行三盆之禮。以終蠶事。二定壇壝

之向。先蠶採桑二壇。悉準先農耜田。先蠶壇北向。採桑壇東向。如唐開元之制。三定採桑之器。唐制尚功奉金鈎。夫親蠶以識女工之艱難。金鈎侈矣。筐鈎宜如民間器用。毋過雕飾。四擇掌壇之官。中宮出郊禮儀。擇司禮監老成謹厚者掌之。帝從其言。命皇后出郊。由元武門內使陳儀衛官軍萬人。五千圍壇所。五千護於道。壇制準先農。殺十之一。數用偶。不營齋宮。止建具服殿。蠶室繭館如古制。仍擇西苑隙地造織室以終蠶事。二月工部上先蠶壇圖式。帝親定其制。

壇方二丈六尺。壘二級。高二尺六寸。四出陛。東西北俱樹桑柘。內設蠶宮令署。採桑臺高一尺四寸。方一丈四尺。三出陛。鑿駕庫五間。周垣方八十丈。別建織堂於西苑。禮部上皇后親蠶儀。其祀先蠶。止用樂。不用舞。樂女生冠服。用黑縐紗描金蟬冠。黑絲纓。黑素羅銷金葵花胷背大袖女袍。黑生絹襯衫。錦領塗金束帶。白襪黑鞋。禮志 叅世宗實錄

按世宗實錄載嘉靖九年二月。上親定先蠶壇圖式。其先蠶壇採桑臺尺寸已載於右。又云鑿駕庫

五間。後墻方其制。內苑止蓋織堂。墻圍方八十丈。餘如圖註。既以年神不利興作。禮部欲構席屋行事。上命止治先蠶採桑二壇。並具服殿。蠶室數十楹。餘皆罷。又實錄載五月迎翠殿南織堂成。即前所云內苑織堂也。先蠶壇本未建織堂。即建亦以後命而罷。禮志蒙實錄舊文臆為刪節。云後蓋織堂。若織堂建於壇後者。悞也。今依實錄改正。又墻圍方八十丈。志作壇圍。禮固有方廣八十丈之蠶壇乎。一字之訛。繆以千里。附辨之。

三月。皇后親蠶於北郊。祭先蠶氏。

世宗實錄

禮部言。親蠶之禮。出於創見。命婦倉卒入壇。恐愆禮度。請以所繪採桑圖授之。俾先期肄習。並定命婦牙牌式。視陪祀官殺三之一。至日。皇后出郊。行親蠶禮。祭先蠶氏。四月。蠶事告成。行治繭禮。蠶宮令選蠶婦善繅絲及織者各十人。志作一人誤送織堂。卜日。皇后出宮。導從如常儀。至織堂內。命婦一人。行三盆手禮。遂布於織婦。以終其事。織成。蠶宮令送尚衣監織染局。

造祭服。

禮志。恭世宗實錄。

十年四月。皇后親蠶於西苑。世宗紀

二月。禮臣言。親蠶盛典。去歲皇后躬祭採桑。已足風勵天下。今先蠶壇殿工未畢。宜且遣官行禮。帝初不可。令如舊行。已而以皇后出入不便。命改築先蠶壇於西苑。壇高二尺六寸。廣六尺四寸。四出陛。東為採桑臺。高二尺四寸。方一丈四尺。三出陛。鋪氍毹如壇制。臺之左右樹以桑。東為具服殿。北為蠶室。左右為廂房。後為從室。以居蠶婦。設蠶宮署於宮左。置令一員。丞二員。擇內臣謹恪者為之。禮部以皇后親蠶改行。

於內苑。復具儀以聞。帝覽之曰。親耕無賀。此安得賀。第行叩頭禮。女樂祇供宴。勿前導。仍命賜蠶母二十

七人。人布一疋。禮志。世宗實錄。典禮志。

十六年二月。詔罷親蠶禮。世宗實錄

西苑改建先蠶壇。十一十二年。皇后皆親蠶。其後因事輒不舉。至是始詔罷之。仍命進蠶具如常。歲遣女官祭先蠶。三十八年乃罷遣。四十一年。並命所司勿

奏。世宗實錄。禮志。

按世宗始定皇后親蠶之禮。當時俱答夏言逢迎

上意御史馮恩至謂后親蠶於郊不可示後世則非也。親蠶之禮歷代不廢善乎言之言曰農桑之業衣食萬人不宜獨缺耕蠶之禮垂法萬世不宜偏廢。世宗能力排衆議毅然舉行意誠善矣。實錄所載親蠶之禮十二年後不復再舉十六年乃詔罷之。至三十八年並女官亦罷遣。禮志不載十六年事。第云三十八年罷親蠶禮。於文為漏矣。本世宗實

錄

祭先蠶親蠶儀嘉靖九年定

蠶將生。欽天監擇吉巳日以聞。順天府具蠶母名數送北郊。工部以鈎箔筐架諸器物給蠶母。順天府以蠶種及鈎筐一具進呈。內官捧出。還授府官捧出。元武右門外置絲輿中。鼓樂送至蠶室。蠶母受蠶種。浴飼以待。置鈎筐於殿內。命婦文官四品以上。武官三品以上。俱陪祀。入壇者給陪祀牌。採桑者給供事牌。人携女侍一。執鈎筐。給執事人牌。前期三日。尚儀奏齋戒。皇后致齋三日。內執事並司贊六尚等女官。及應入壇者。各齋一日。壇上陳設先蠶氏之神。羊二。豕

一登一。籩豆各六。簠簋各二。帛一。黑色。篚一。酒尊三。爵三。酒盞三十。祝案一。先一日。太常寺具祝版祭物。送蠶宮。令祭日。蠶宮令分授執事女官。蠶宮令陳樂。女生位於壇南。設皇后拜位於壇下。北向。次公主及內命婦。又次外命婦拜位。俱異位。重行北向。設內贊位於壇南。設司贊位於皇后拜位之東西。設司賓位於外命婦班之北。東西相向。又設皇后採桑位於採桑壇東向。公主及內命婦位於皇后位東。設外命婦採桑位於採桑壇東陛下。各南北向。以西為上。設執

皇后鈎筐者。位於皇后位旁少東。是日未明。宿衛陳兵備。女樂工備樂。司設監備儀仗及重翟車。俱候於元武門外。將明。內侍詣坤寧宮。奏請皇后服常服。導引女官導出宮門。乘肩輿。侍衛警蹕如常。公主及內命婦應入壇者。各服其服以從。至元武門。內侍奏請降輿。升重翟車。兵衛儀仗及女樂前導。內侍詣車前。奏請車進發。出北安門。公主內命婦應入壇者。乘車陪從如式。障以行帷。至壇內壝東門。內侍奏請降車。乘肩輿。兵衛儀仗停於東門外。皇后入具服殿。少憩。

侍衛如常儀。司賓先引外命婦。別於先蠶壇下東西向。以北為上。尚儀詣皇后前。奏請易禮服。出殿門。將至壇。內贊唱樂。女生就位。執事官各司其事。導引女官導皇后至拜位。司贊奏就位。次公主。次內命婦。次外命婦。各就拜位。北向。俱異位重行。內贊唱瘞毛血。迎神。奏樂。樂止。司贊奏四拜。公主以下同。內贊唱奠帛。行初獻禮。奏樂。執事官捧帛爵跪於神位前。各奠訖。樂暫止。內贊唱讀祝。司贊奏跪。皇后跪。公主以下同。讀祝。女官跪於神位前。右讀訖。奏樂。司贊奏興。皇

后興。公主以下同。樂止。內贊唱行亞獻禮。奏樂。執事官捧爵跪奠於神位前。訖。樂止。內贊唱行終獻禮。儀同亞獻。執事女官進立壇東。西向。唱賜福胙。司贊奏跪。皇后跪。執事女官以福酒跪進於皇后右。奏飲福酒。皇后飲訖。執事女官以胙跪進於皇后右。奏受胙。皇后受胙訖。司贊奏興。皇后興。司贊奏二拜。公主以下同。內贊唱徹饌。奏樂。執事女官詣神位前。徹饌。訖。樂止。內贊唱送神。奏樂。司贊奏四拜。公主以下同。樂止。內贊唱讀祝。官捧祝。執事官捧帛饌。各詣瘞位。奏

樂樂止。司贊唱禮畢。皇后還具服殿。更常服。司賓引外命婦先詣採桑壇位。南北向。女侍執鈎筐者隨於後。尚儀入奏。請詣採桑位。導引女官導皇后至採桑位。東向。公主以下各就位。南北向。執鈎者跪進鈎。執筐者跪奉筐受桑。皇后採桑三條止。還至壇南儀門。坐觀命婦採桑。三公命婦以次取鈎採桑五條。列侯九卿命婦採桑九條。採訖。各授女侍筐內。司賓引內命婦一人詣蠶室。尚功帥執鈎筐者從。尚功以桑授蠶母。蠶母受桑。縷切之。以授內命婦。內命婦食蠶。灑

一箔訖。司賓引內命婦還。尚儀前奏禮畢。皇后還具服殿。儀仗侍衛如常。俟皇后升座。尚儀奏。司賓率蠶母等行叩頭禮訖。司贊唱班齊。外命婦序立定。尚儀致辭云。親蠶既成。禮當慶賀。司贊唱四拜畢。賜命婦宴。并賜蠶母酒食於壇傍。公主及內命婦殿內序坐。外命婦從採桑者。及文武二品以上於臺上。三品以下於丹墀。各序坐。尚食進膳。司賓引公主及內命婦各就坐位。教坊司女樂奏樂。宴畢。徹案。公主以下各就班。司贊贊四拜。尚儀跪奏禮畢。皇后興。還宮。導從

如前世宗實錄

參禮志

西苑親蠶儀嘉靖十年定

與北郊同

